

صاحبی ، مدبری ، محرری :

طاہر المولوی

آبونہ بدلی :

سنہ لکی ۱۰۰ فروش

آئی آئی ۵۰

اوج آئی ۲۵

محفل

۱۳۳۸

ادارہ خانہ سی :

شہزادہ باشندہ (نعالی اسلام)

جمعیتی مرکز عمومی

مرکز توبی :

باب عالی جادہ سندھ اتحاد

تجارت کتب خانہ سی

اسلامک نفعہ خادم مقالات

مع التذکر قبول و درج اولونور

دینی ، علمی ، ادبی ، اجتماعی و شیعہ بیک شہری مجموعہ ایڈیٹور

فی ۷ بوجوف فروش

(۱۳۳۸ ذی القعدہ سنہ مخصوص نسخہ)

عدد : ۹

محفل دینی و علمی

تمثیل قرآنی

بِسْمِ اللَّهِ الرَّحْمَنِ الرَّحِيمِ

(و ضرب الله مثلاً قرية كانت آمنة مطمئنة يأتيها رزقها رغداً من كل مكان فكفرت بانعم الله فذاقها الله لباس الجوع والخوف بما كانوا يصنعون - سورة النحل)

الله اعلم مآلی :


(الله ؛ برقریبی مثل اولارق اوانہ ایتدی کہ او قریہ ؛ تجاوز اعدادن امین و قحط و غلادن مطمئن ایدی . لازم اولان ارزاق واقوانی هر طرفدن بول بول کلیردی . اھالیسی ؛ شو اعم الہیہ نک قدربنی بیلیم یوب کفراندہ بولوندی . جناب حق دہ اولنرک افعال مبینہ . سندن طولانی کندیلرینہ آخلق و قورقوبی طاندیردی) آیت کریمہ دہ مثل اولارق ایراد بویورولان قریہ ؛ مکہ مکرمہ درکہ بلدۃ الحرام اولماسی و عربستانک محبہ

بہد البسملة والحمدلة والصلوة

رسائل اسلامیه قارئری (طاہر المولوی) امضایی بلکہ دہ یابانجی بولمازلر صانیرم . چونکہ : مبدأ مشروطیتدن بری مسلمان جرائندہ آراصیرا کوردکتری اوعجزنما ، لکن اخلاص انما امضایی اولدقجه طائیشلردر . مسلمانک و مشربی قارئین کراجہ بر درجہ قدر آکلاشیلیمش اولماسی لازم کن اوامضا صاحبی ؛ بوکون کندیلرینہ (محفل) عنوانی بر مجموعہ نک برنجی نسخہ سی قدیم ایڈیور .

محفل ؛ اساساً ہفتہ لقی بر مجموعہ در . فقط شو آرائق کاغذ فیثاتک ثابت بوکسک اولماسی الجاسیلہ شیمدیلک آیدہ بر حیقار بلاجق و مندرجات اعتباریلہ - علی قدر الطاقة - نافع و قیمتدار بولونماسہ چالیشیلا جقدر .

جناب حق موفقیت و بربر ، اصحاب مطالعہ دہ اوقوماسنہ رغبت کوستیریرہ ایلریدہ اسبوعی اولارق نشری و بدل اشتراسنک تزیلی مقرر در . ومن الله التوفیق .



عمومیسی اولان کعبه بی محتوی بولونمائی طولانیسیله
 حقیقه آسوده وهردرلو نجواوزدن آزاده بر شهر محترم
 ایدی. فقط صکنه سندن چوققلری؛ نائل اولدقلری شو
 نعمته شکران یرینه کفران ایله مقابله ایتدیلر. کندیلرینه
 وحدت الوهیتی و معالی انسانیتی تلقین و تعلیم ایله بن
 پیغمبر اکبره متابعت ایتمه دکن باشقه ذات اقدس نبوی
 اولسون، تبلیغ ایتدیکی احکام شریعتی اولسون تکذیب
 و تزییف ایلدیلر. آیات قرآنییه حقننده شعر دیدیلر،
 (اساطیر الاولین) هداننده بولوندیلر. مسلمانلای یقمايه،
 دین و ایمانی اورنادن قالدیرمایه غیرت کوسستریدیلر. اهلی
 اسلامی و حضرت نبی علیه السلامی ترک دیاره مجبور
 ایتدیلر. نهایت کستانخلقلربنک جزای سزاسی اولارق
 شدتلی بر قیظلفه طوتولدقلری کی استیلايه دوششمک
 قورقوسنده اوضرادیلر.

آچلق؛ تیر تحمیشکافی معدله رینه صابالادی، اندیشه
 مغلوبیت ده بر لباس ماتم کی سراپا وجودلرینی قابیلادی.
 اک صوکنده اشفق الانبیاء علیه اکمل التحایا قندیمزه
 صراجقه و مرحت سنیة رحه للعالمینه دخالته مجبور
 اولدیلر. دهای ره ایشخای محمدی سایه سنده اومهالک الیه دن
 قورقولدیلر.

زده انصاف و اعتراف ایدم.

ملککتمز؛ طبقی اوقریه آمنه و مطمئنه کی دکی
 ایدی؟ ۱. ملکک اوققه سنی ۳۰-، ۴۰ پاره یه، کومورک اوققه.
 سنی ۴۰-۳۰ پاره یه، ۵۰-۶۰ غروشه آلمیورمی
 ایدک؟ حوایج ضروریه ضر؛ دنیانک هر طرفدن نازه نازه
 و بول بول کلیمورمی، بوکون اینسانیه لامیه جق درجه ده
 اوجوز فیاتنله آلمیمورمی ایدی؟ اکثر بمزک حالنه کوره
 برمسکنی و او مسکنه مناسب صورتده دوزنی یوقی
 ایدی؟ اوفاق؛ تشک بعض ورطه لره اوغراق نهلمکسی
 باش کوسترسه بیله تدابیر سیاسیه ایله او کی ورطه لردن
 قورقولیمورمی ایدک؟

اون، اون ایکی سنه اولکی حالز نه ایدی، صوکرادن
 نه حالاره گرفتار اولدق؟ ناحق یره قاریشیدیمز حرب
 عمومیتک دوا می مدتیجه کدیلرک، کوپکلرک بیله یمیه
 نزل ایتدیکی وثیقه اککنی آلابیلیمک ایچین جامع
 قایلرنده و توزیع مأمورلرینک حضور استیکبار
 و احتکارنده ساعترجه بکلمه یه مجبور قالدق. لطفاً
 و کرمأ دوا رده اوجوز بهما ایله داغیتیلان بوغدادی
 قیرینتیلرینی بلفور ظنیه؛ قورقولوبقه لری مایه حیات و همیله
 اوموزلایوب طاشیایی جانمزه منت بیلدک.

البسه ضر؛ یامادن خمدی خرقه سندن قوندوره لریمزه؛
 اوست اوسته پنجه دن (ابوالقاسم الطنبوری) نک بابو جنه
 دوندی. یاقه لریمزه فسلمیمز؛ قاتمرله شن یاغلردن مطبخ
 پاچاوراسنه بکزه دی. نقصان غمدان میت سیار حالی
 آلدق. دیرلریمز کوملکسسه اولولریمز کندنسز قالدی.
 بومغروی احتراقاته مادی لایقینلرده منضم اولارق
 بیکلرجه اوجاق سوندی، اون بیکلرجه حائله سوقاق
 اورتاسنده و سقف سما آلتنده سورونمه یه باشلادی.
 اولدقجه منتظم اولرک خرابه سی اوستنده تک توك بايقوش
 یووالری پیدا اولدی. ضرار قدر دار، محبس قدر مقصی
 براوطه نک کراسی - اولجه بدل اشتراسندن فضله اولق
 اوزره ۵ - ۱۰ لیرابه فیرلادی. وسائر و سائر...
 شومصائب؛ حرب زماننده توالی و تزیایدایله مشی اولدیم
 کی متارکه اوآنسده ده اوخا ده نیله بیله جک بر درجه یه
 کله دی.

عجبا ه دن بوبله اولدی؟

تاریخ تکرردن عبارتدر، داهسا طوغرومی سالت
 آلهیه ده تبدل یوقدر. مال کریمنی نقله چالیشیدیمز آیت
 جالبه؛ نه دن اولدی؟ سؤالنه جواب ویریور، کفران
 نمستدن ایلری کلدیکنی بیلدیریور.

نه یادق؟ می دییورز. نه یامادق که... مظهر اولدیمز
 نمستردن هانکیسنه شکر ایتدک، یاخود هانکیسنه کفر

ایتمه دیک؟ دینی می یقیمایه قالقیشماق، ایمانی می رخنه دار
ایتمه به او غرضاشماق ، اخلاقی می ازاله ایتمه به ، هر ض
ونامر سیمی هتک ایلمه به چالیشماق، اساس ملک اولان
عدالتی می ظلم ایلمه احیایه صاواشماق ...؟

باید قلمیزی اونو تاجق قدر زمان یکمه دی.


همیزکده آز ، چوق مسئولی بولوندینمز اوسیمانی
داها زیاده اشله مدیه لزوم یوق . ایسته اوسیمه لر ، او
کفرانلر ، اوکستاخانه تجاوزلری بوحاله کتیردی . آرتق
صراحت ربانیه به النجا ایتمکدن :

باغیشلاسن بنه بزی خنیه منم هتده

دیمکدن باشقه چاره صرقلما دی . باری بوندن بویه متنبه
اولالم ده الهک ورکاه غفرانینانه ، رسول الهک باب
شفا عتماننه ، شریعت غرائک احکام عالم نظامنه دخالت ایده لم . بلکه
اوسایه ده داهامه لک ورطه لره یو وارلا تمقندن رها باب اولور .

اللهم لاتهلکنا بما فعلنا

طاهر المولوی



برآیت کریمه مناسبیتله

سوره جلیله اعرافده :

(واذاخذ ربک من بنی آدم من ظهورهم
ذریعهم واشهدهم علی انفسهم البست برکم قالوا
بلی شهدنا ان تقولوا یوم القیامة انا کننا عن هذا
خافین .)

خالق تعالی و تقدس حضرتلری آدم اوغلارینک ظهورندن
ذریعین اخی ، اونلری کندی نفسلری اوزرینه اشهاد

ایده رک بن سزک ربکز دکلیم بویوردی . او ذریات
(یاخود ذرات) ده اوت (سن بزم ربمزسک) بزنکندی
اقرار حزه طاعت اولدی . دییه جواب ویردیله . اونلرک
بواقاراری یوم قیامتده : بزبواقاردن غافل ایله اوندن
خبر من یوق ایدی . دیمه ملری مقصدینه مستند بولنیوردی .
جهور مفسرینک قولنه کوره جناب حق ؛ حضرت آدم
علیه السلام صلبندن ذریاتی ذرات کبی چیقاروب اونلره
حیات ، عقل ، فطی ویردکدن صوکره ربوبیتی هر ض
ایتمش ، قبولارینه ملائکه کرامی اشهاد ایلمشدر .

آیت کریمه نک مال فالیسی حقنده تفصیلاته کیریشمه
حاجت یوق . سوبیله جکمز سوزلر ایچون بوقدر کافیده .
اوله بیلوریا . شیطان علیه اللعنه ، صحنه تماشا ده هر دقیقه
باشقه بر قیافه هر ض انشام ایدن اوسته آقئورلر کبی
عقل صورتنه کیروب ندمای ضلالندن برینه دیرک :

— هی سرسم ! صرعه می کلدجک بن متفکر ، متعقل
بر آدم دیرسک ، دائما هتقل وفکرکله افتخار ایدرسک .
شو آیتک مقتضاسنه اینانه حق اولورسه ک سنک عقلک ،
فکرک نرده قالیر ؟ هیچ دنیاده عقل ، فن بونی قبول
ایدرمی ؟ الله ؛ آدمی یار آتمش ده اونک صلبندن ذریاتی ذره
حائنده چیقارمش ، صوکره اونلره بن سزک ربکزم
دیمش ، اونلرده اوت من بزم ربمزسک دیمشله هیات
السان ، بو آیتک زمان و مکان نزولنده کی آدملر قدر جاهل
اولمالی که اوکا اینانه بیلسون . شو عصر معرفتده ، دکل
سنک کبی علوم مثبته ایله تزین ذات ، آرای صائبه فلسفه
ایله تنویر ملکات ایدن بر مرد متفکر ، بونلره اصلا
مناسبتی اولمیان بر شخص امی بیله بوکا اینا مقده تردد
ایدر . یازیق سکا حالا دماغه حاکم ، عقلنه صاحب
اوله مامشک ! حالا اصلی ، فصلی اولمیان شیلره کنیدیکی
آلدامغه چالیشیورسک . نیچون قوای ذهنیه کی حق
صریحلری اولان حریت هیچمه دن محروم ایدیورسک ؟
هون کنیدیکی بوکی قیود و هییه ایله مقید قیلمغه مجبور